



Occurrentzas d'impuls per la promozion da la sanadad

Fact-sheet per organisaturs

In cumportament conscient da la sanadad ha effects per l'atgna sanadad e per las expensas dal maun public per il sectur da sanadad. In stil da viver che promova la sanadad ha effects positivs per la qualitad da viver ed uschia era per il bainstar. I vala pia la paina dad activar il potenzial da sanadad en la populaziun e dad intermediar per quai las infurmaziuns ed ils impuls necessaris.

L'Uffizi da sanadad sostegna vischnancas ed acturs dal sectur da sanadad e fatgs socials cun finanzas e cussegliaziun tar la planisaziun e realisaziun dad occurrentzas publicas davart il tema promozion da la sanadad.

Organisaturs potenzials

La rolla da l'ospitant surpiglian vischnancas e/u acturs chantunals, regiunals u locals en il chantun Grischun (p.ex. posts da cussegliaziun, spitals, posts da giuventetgna, scolas; nagins purschiders commerziali). Las ragischs localas (p.ex. tras la cooperaziun) èn impurtantias.

Elecziun dals temas

Las occurrentzas d'infurmaziun e da sensibilisaziun duain tematisar il rinforzament da la sanadad fisica, psichica e sociala e render attent a purschidas localas e regiunalas che promovan la sanadad. In cler focus sin ina grupper en mira determinada (p.ex. umans pli vegls, giuvenils u geniturs; naginas persunas spezialisadas) è central per il success d'ina occurrenza d'impuls.

Metodas adattadas

Metodas attractivas (p.ex. film, improvisaziun da teater, euv.) rendan accessibel temas impurtants a la populaziun.



En il cas ideal dat ina discussiun al podium successiva (incl. moderaziun) ina vusch a persunas pertutgadas, parents e persunas spezialisadas. Talas occurrentzas publicas trialogicas¹ tutgan e promovan la chapientscha vicendaivla da maniera speziala. Ellas mussan experientschas individualas e strategias sco era purschidas da sustegn en situaziuns pretensiunas ed engrevgiantas u en fasas da passadi da la vita. Ulteriuras metodas sco referats spezialisads, prelecziuns, exposiziuns, cafés dad istorias u living library èn era pussaivels.

Sustegnidias vegnan occurrentzas d'impuls a sava bassa (entrada gratuita u favuraivla, buna cuntanschibladad, infrastructura senza impediments, lingua chapibla), che dattan plinavant l'occasiun per il barat social.

Participaziun finanziala

L'Uffizi da sanadad surpiglia max. 50% dals custs dals tschains per las localitads, ils onuraris da las persunas participantas al discurs, dretgs da preschentaziun, dunsena ed inserats **fin maximal CHF 2'000 pro occurrenza**. En cas da basegn vegnan ils custs per la producziun dals meds da publicitat en ina versiun da standard (layout e stampa) surpigliads supplementarmain.

¹ Trialog stat per il barat da persunas pertutgadas, parents e persunas spezialisadas. Atgnas experientschas e perspectivas differentas pon uschia vegnir barattadas cun ils medems dretgs e vegnir pli damanaivel al public.

Las vischnancias resp. ils acturs gidan a purtar da l'autra vart las campagnas da l'Uffizi da sanadad (tut tenor la grupper en mira; sichergehen.ch, find-help.gr.ch, gr.feel-ok.ch, wie-geht's-dir.ch u l'app Parentu) cun plazzar logos e preschentan ed exponer material d'infurmaziun.

Decurs dal sustegn tras l'Uffizi da sanadad (US)

tge	responsabladad	termin
Examinaziun preliminara e decisiun per la realisaziun - contactar il US - sclerir partenaris pussaivels - fixar tema e metoda (film, teater, etc.) - sclerir moderaziuns pussaivlas e participant(a)s al podium - fixar data e localitads (p.ex. in kino regional, sala communal, halla da gimnastica) - elavurar il preventiv ed il plan da finanziaziun	Organisaturs L'US explitgescha la purschida da sustegn e cusseglio a maun dad experientschas fatgas → catalogs d'ideas → formular per dumonda al US incl. preventiv	Il pli tard 3 mais avant l'occurrenza
Producziun dals medys da publicitat (sin giavisch) L'US producescha medys da publicitat en in look da standard (layout e stampa da flyers A5 sco era placats pitschens (A4 u A3), layout d'inserat)	US – en cunvegna cun ils organisaturs Ils organisaturs furneschan elements da text, logo(s) ed in maletg adattà (incl. copyright) → Raster da la producziun da medys da publicitat al US	Il pli tard 2 mais avant l'occurrenza
Lavur publica p.ex. communicaziun a las medias, newsmail, inserats distribuziun/spediziun da flyers, avis, placats, envidar collavuratur(a)s da las medias	Organisaturs US sustegna tenor basegn → fegl d'infurmaziun per la lavur publica → muster per la communicaziun a las medias	A partir da ca. 1 mais avant l'occurrenza
Planisaziun fina da l'occurrenza - Decurs, tecnica, alimentaziun - Briefing da las personas che partecipeschan a la moderaziun ed al podium - etc.	Organisaturs US cusseglio sche giavischà	
Realisaziun da l'occurrenza	Organisaturs US survegn ina maisa per materialias	
Evaluaziun	Organisaturs → Quint final e quittanzas al US ed emplenir fegl d'evaluaziun via findmind.ch	Il pli tard 2 emnas suenter l'occurrenza

Ensemens realisain nus condiziuns da basa che promovan ina vita sauna en il Grischun. Nus ans legrain sche Vus ans contactais.

Voss contacts

Occurrentzas d'impuls per umans pli attempads:

Claudia Ruggli

Manadra dal project Promozion da la sanadad en la vegliadetgna

[+41 81 257 25 76](tel:+41812572576)

Claudia.Ruggli@san.gr.ch

Tut las autres occurrentzas d'impuls:

Margot Heuberger

Responsabla communicaziun e lavur da publicitat

[+41 81 257 64 12](tel:+41812576412)

Margot.Heuberger@san.gr.ch